

գրեանս առաքեցին 'ի թագաւորեալ քաղաքն 'ի ձեռն Գաղատացի Սահակ վարդապետի : Իսկ գլխաւորք ազգին ընթերցեալ զգրեանս՝ ծանեան զամենայն իրս , եւ ձեռն արկեալ 'ի գործ ընտրութեան՝ ընտրեցին նախ զԿիրակոս Եպիսկոպոս , այլ նա կանխագոյն պատրաստեալ զհրաժարական իւր՝ տուեալ էր 'ի Սահակ վարդապետի . եւ 'ի լինիլ բանից 'ի վերայ նորա , մատոյց նա զայն թուղթ 'ի ժողովն , եւ նոքա ընկալեալ զայն , ընտրեցին զՋաքարիա Եպիսկոպոս Տարսնոյ 'ի Կոր դեղջէ : Եւ ապա ծանուցեալ 'ի Դուռն , առին զՊատրիարքական Պէրաթն եւ յանձն արարին Սահակ վարդապետի հանդերձ գրովք : Եւ նորա մեկնեալ անտի եհաս յԵրուսաղէմ , եւ մատոյց զգրեանս , եւ յաւուր տօնի Վարագայ Խաչի նստաւ հանդիսիւ Ջաքարիա Եպիսկոպոս յԱթու Պատրիարքութեան , ( 'ի Սեպտեմբերի 26 . 1841 ) :

Հայք յառաջագոյն առեալ էին հրովարտակ սակս նորագութեան եկեղեցւոյն Բեթղէճէմի . այլ 'ի ժամանակս խռովութեան , որ յաղագս շինուածոցն Համբարձման տեղոյն՝ խափանեցին Յոյնք եւ զայն ընդ այլ հրովարտակաց , որպէս գրեցաք , եւ Դատաւոր տարւոյն՝ զի մի զայրասցի տտելութիւն եւ խռովութիւնն 'ի մէջ երկուց ազգաց , դադարեցոյց զգործ նորագութեան : Իսկ այժմ Հայք 'ի ձեռն Համուլլահ Դատաւորին Երուսաղէմի վերստին խնդրեցին 'ի Տէրութենէ՝ յեցեալ 'ի բանս հրովարտակաց : Զի Այրն Մենդեան ներքոյ եւ արտաքոյ , եւ դերեզմանն Ս . Աստուածածնի , ըստ օրինակի Գերեզմանին Քրիստոսի բաժանել 'ի մէջ երկուց ազգաց . հիւսիսային կողմն եկեղեցւոյն հանդերձ դրամբ սեփհականել Հայոց . միջին եւ հարաւային կողմն Յունաց . սիւնազարդ սրահն՝ յերկոյ դրանց մինչ արտաքին յերկաթեայ դուռն հանդերձ բանալեաւ նորին , հաւասար բաժանել Հայոց եւ Յունաց . նորագութիւն եկեղեցւոյն ներքոյ եւ արտաքոյ , փոփոխութիւնք կապարաց ձեզուան լինել ընկերութեամբ . իւրաքանչիւր ազգ 'ի բաժնի իւրում կախել կանթեղս եւ պատկերս . կանգնել սեղան , աւել ածել եւ մաքրել , որպէս առնեն 'ի տաճարին Ս . Յարութեան , որով բարձեալ լինին ամենայն վէճք եւ խռովութիւնք , 'ի Ղիլիճճէ , ՎՅՕԿ :